

【南音短板面】

【正線慢板】聞得話妹呀你死咯，唉我實在見得悲傷。

妹呀為因：何事，攪到自縊懸樑。

人話你死咯，我尚屬思疑，我唔信佢咁講嘅，

今日你果然真係死咗咯，叫我怎不悲傷：

唉唔望與嬌：彈共唱呢，

唔望燈前月下咯，共你結呢段鸞凰。

任得天上跌一個落嚟：唔慌我會重想，

愁萬丈呀，不若租隻小舟將水陸放，

等妹你早登仙界啦，直上吧慈航。

【中板】忙解纜，出到江濱。

只見江楓漁火照住呢個愁人。

各物擺齊兼共果品，我願妹你前來鑒我誠心。

【乙反】唉燒頁紙錢啲珠淚就惡忍，

三杯薄酒奠妹孤魂。【地水腔】

【地水無限序】

燒對童男童女你相親近，吩咐眾人使喚要聽佢酌斟。

燒到煙槍煙托與共個雷州斗，
 重有珍珠一串十子搭在妹襟頭。
 燒到被鋪蚊帳咯，係出在杭州。
 【地水無限序】
 妹呀你便夢中魂魄，共我講幾句情懷。
 唉我越思越想心痛壞，我的珠淚流唔晒咯。
 點想你別時，心事古怪，唉誰知錯意把妹命來啖。
 記得八月中秋同把月拜，重話二人衾枕永和諧。
 唉可惜你對花鞋重繡得咁佳呢。
 呢條芽蘭帶，小生親手買嘅，
 免使呀你在青樓多苦捱，唉咁好沉香都當作係爛柴。
 可恨當初唔好早日帶妹埋街。
 嗱燒到芽蘭帶咯，與共個對繡花鞋。
 【地水無限序】
 重有簡妝一個照妹孤魂。
 燒到胭脂和水粉，又有刨花兼軟技，
 你兩個切莫頑皮激著個主人。
 嗱大串（音能去聲）鎖匙交過你收緊，

呢人話男子心腸多變改嗜，但我見君情義的確少人陪。
 我共你找尋一個重靚過個花魁。
 你既有真心呢寧守耐，
 捨得多情愁有多情配咩，奴奴情願呀共你為媒。
 我叫聲（白：阿大相呀！）你切莫咁悲哀。
 又到個艇嫂上前佢抹眼淚，
 等你飲過此杯呢，就離卻苦海，早登仙界咯，直上蓬萊。
 我再酌酒，奠妹粧台，我願妹呀你前來鑒領我一杯。
 今日把火焚燒在水面浮。
 【正線】妹呀生前你所用嘅，嗱般般都有喇，
 記緊要關防門戶咯，都莫畀人偷。
 嗱物件咁多燒來交過你手，
 【地水無限序】
 唉不妨陰府呢你自己綢繆。
 你得閒無事就拈來，就燂番佢幾口啦，
 哩！呢盒公煙原本係舊嘅，清香翳膩咯，可以解得吓煩憂。
 局紗一盞光明透，妹呀但凡燈暗咯你自己添油。
 呢我又來燒到咯個煙屎鈎。

男燒衣〔區均祥唱〕（錄音：區均祥 大鬧梅知府 CD）

曲詞及叮板譜由「南音欣賞網」（<http://naamyam.tsuenhead.org>）提供，未經演唱者過目，內容可能會有錯漏。

第3頁（共4頁）

睇吓蠟燭替君流血淚，半天仙鶴呀渡嘅郎追。
 你不如忍淚啦係埋街去，免令今夜咯你自己癡呆。
 【漸快】嗱我忙轉艇啦，快如雲。嚟啦！雙槳提前水面奔。
 海闊風狂你需要坐穩嚟，
 我行埋嚟共你呀，共你講番幾句時聞。
 （白：呢我哋隔離呀，）有個叫做馮人引，
 佢真好品嚟，腳又細時滿手箭針。
 年方二八又知書識禮，詩詞歌賦都樣樣皆能。
 舊時有位少爺話要同佢上岸嚟，
 佢話要揀個多情人仔至兩相登。
 呢我問聲阿大相呀，可否真情允，
 呢真正妙甚咯，真妙甚咯，
 【慢板】等我把鵲橋高架起，等你直上啦浮雲。
 【正線尾序】
 【腔】

男燒衣〔區均祥唱〕(錄音：區均祥 大鬧梅知府 CD)

曲詞及叮板譜由「南音欣賞網」(<http://naamyam.tsuenhead.org>)提供，未經演唱者過目，內容可能會有錯漏。

第4頁(共4頁)